

Evening Dogri (NSD)

07-05-2025

खबरां

1. भारतीय सशस्त्र बलें आपरेशन सिंदूर शुरू कीता ते पाकिस्तान ते पाकिस्तान दे नजैज कब्जे आहले जम्मू-कश्मीर दे 9 आतंकवादी ठकानें गी नशाना बनाया। प्रधानमंत्री होर इस पूरे आपरेशन दी निगरानी करा'रदे ना।
2. आपरेशन सिंदूर तैहत कोई बी पाकिस्तानी नागरिक जां फौजी गी नशाना नेई बनाया गेआ ऐ। शड़े आतंकी ठकानें गी गै निशाना बनाया गेआ ऐ।
3. रक्षा मंत्री राजनाथ सिंह होरें आखेआ ऐ जे भारतीय सशस्त्र बलें आपरेशन सिंदूर दरान अपने शौर्य ते हिम्मत दा प्रदर्शन करियै इतिहास लिखेआ ऐ।
4. केंद्री गृह मंत्री अमित शाह होरें बन्ने आहले प्रदेशें दे मुख्मंत्रिणं, राज्यपालें, उप-राज्यपालें, डीजीपी ते मुख् सचिवें कन्नै उच्च सतह दी बैठक लाई।
5. पहलगाम हमले दे पीड़ित लोकें दे परोआरें आपरेशन सिंदूर दी सराहना कीती।
6. छत्तीसगढ़ च सुरक्षाबलें कन्नै होए दे टाकरे च घट्टोघट्ट 22 माओवादी मारे गेन।

<><><><><><>

Op. Sindoor

भारती सशस्त्र बलें पाकिस्तान ते पाकिस्तान दे नजैज कब्जे आहले जम्मू ते कश्मीर दे किश इलाकें च अब्दी रातीं दे बाद आतंकवादी ढांचे गी नशाना बनांदे होई आपरेशन सिंदूर गी अंजाम दिता ऐ। रक्षा मंत्रालय नै इक बयानै च आखेआ ऐ जे 9 आतंकवादी ठकानें गी निशाना बनाया गेआ। इस बारै अज्ज नमीं दिल्ली च प्रेस वार्ता दा आयोजन करियै देश ते दुनिया गी आपरेशन सिंदूर बारै तफसीली जानकारी दिती गई। इस मौके विदेश सचिव विक्रम मिसरी होरें दस्सेआ जे भारती एजेंसिणं गी जानकारी ही जे पाकिस्तान दी तरफा औने आहले आतंकवादी होर हमले करी सकदे न, इस करियै भारत नै उनेंगी पैहले गै मारी मकाने दा फैसला लैता। प्रेस वार्ता दे दौरान विंग कमांडर व्योमिका सिंह ते कर्नल सोफिया कुरैशी होरें आपरेशन सिंदूर दी कार्रवाई दे वीडियो दी मदाद कन्नै पूरी ते तफसीली जानकारी दिती। उनें दस्सेआ जे रातीं 1 बज्जियै 5 मिनट सवां लेइयै डेढ बजे तोड़ी चलाए गेदे आपरेशन सिंदूर दा मकसद पहलगाम आतंकी हमले दे साजिशकर्तां गी सबक सखाना ते ओकड़े ठकानें गी नष्ट करना हा जित्थे आतंकवादिणं गी सिखलाई दिती जं'दी ऐ ते दुनिया दी शांति भंग करने लेई उनेंगी तैयार कीता जंदा ऐ। आपरेशन सिंदूर तैहत कोई बी पाकिस्तानी नागरिक जां फौजी गी नशाना नेई बनाया गेआ ऐ। शड़े आतंकी ठकानें गी गै निशाना बनाया गेआ ऐ।

<><><><><><>

PM-Cabinet

प्रधानमंत्री नरेंद्र मोदी होंरें अज्ज नमीं दिल्ली च केंद्री मंत्रिमंडल गी जानकारी दिंदे होई आपरेशन सिंदूर दी कामयाबी लेई थेआरबंद बलें दी सराहना कीती। श्री मोदी होंरें पहलगाम आतंकी हमले दी पच्छोक्कडै च चलाए गेदे आपरेशन सिंदूर दी पूरी रातीं आपूं निजी तौरा पर निगरानी कीती। केंद्र सरकारै कल दिनै 11 बजे सब्भनें पार्टिं दे इक बैठक सद्दी दी ऐे जिस दरान आपरेशन सिंदूर दे ब्यौरें ते नतीजें बारै सियासी नेताएं गी अवगत करोआया जाह्ग।



Reactions Operation Sindoor

आप्रदेशन सिंदूर पर मुख्य भरै च आम लोकें ते सियासी लीडरें दी प्रतिक्रिया हासल होआ करदी ऐे जेदे च भारती फौज दी इस दलेरी आहली कार्रवाई दी सराहना कीती जा रदी ऐे। गृह मंत्री अमित शाह होंरें एहदे पर अपनी प्रतिक्रिया दिंदे होई आखेआ जे पहलगाम आतंकी हमले च मारे गेदे स्हाडे भ्राएं दी मौत दा बदला भारत नै इस कार्रवाई राहें लेई लैता ऐे। उनें आखेआ जे भारत ते भारत दे लोकें पर हमला करने आहलें गी बनकदा परता देइयै मजा चखाने दा मोदी सरकार नै पक्का निश्चा कीते दा ऐे। रक्षा मंत्री राजनाथ सिंह होंरें ऑपरेशन सिंदूर पर अपनी प्रतिक्रिया दिती ऐे। एहू अभियान पहलगाम च होए दे आतंकवादी हमले जेदे च 26 लोक मारे गे हे, दी पच्छौकडै च होआ ऐे। अपने सोशल मीडिया पोस्ट पर रक्षा मंत्री होंरें लिखेआ “भारत माता की जय”। पहलगाम आतंकी हमले दे परते च भारतीय थेआरबंद बलें आसेआ पाकिस्तान ते पाकिस्तान दे नजैज कब्जे आहले जम्मू-कश्मीर दे किश इलाकें च आतंकी ठकानें गी नशाना बनाए जाने दे किश गै घंटे बाद विदेश मंत्री एस जयशंकर होंरें इक सख्त संदेश दिता ऐे। उनें सोशल मीडिया पर इक पोस्ट च आखेआ जे पूरी दुनिया गी आतंकवाद खलाफ सख्त ते इसी दना बर्दाश्त नेई करने आहला राँ दस्सना लोड्चदा। लोकसभा च विपक्ष दे नेता राहुल गांधी होंरें एहदे पर प्रतिक्रिया दिंदे होई आखेआ जे उनेंगी भारतीय थेआरबंद बलें पर मान ऐे। कांग्रेस पार्टी दे राष्ट्रीय अध्यक्ष मल्लिकार्जुन खडगे होंरें आखेआ जे कांग्रेस पार्टी भारतीय सेना पर मान करदी ऐे जिन्नै पाकिस्तान ते पी.ओ.जे.के च आतंकी ठकानें गी नशाना बनाया ऐे। होर केई पार्टिं दे नेताएं बी इस कार्रवाई दी सराहना करदे होई सेना दी सिफ्त कीती ऐे।



NSA-Operation Sindoor

राश्ट्री सुरक्षा सलाहकार अजीत डोबाल होंरें आपरेशन सिंदूर दे पाकिस्तान ते पाकिस्तान दे नाजायज कब्जे आहले जम्मू-कश्मीर च 9 थाह्रें उप्पर आतंकवादियें ते आतंकवादी बुनियादी ढांचे उप्पर केंद्रित हमले दे मगरा कई मुल्खें दे राश्ट्री सुरक्षा सलाहकारें कन्नै गल्लबात कीती। इन्दे च अमरीकी सुरक्षा सलाहकार ते Secretary of state Macro

Rubio, UK दे सुरक्षा सलाहकार जोनाथन पावेल साउदी दे सुरक्षा सलाहकार मुसैद अल ऐबान, यूएई दे सुरक्षा सलाहकार शेख तैहनून ते सैक्रेटरी जनरल ऑफ एनएससी अली अल शमसी ते जपान दे सुरक्षा सलाहकार मसातका ओकानो शामिल ना। रूस दे सुरक्षा सलाहकार सगेई शोइग चीन दे विदेश मंत्री वांग यी ते डिप्लोमैटिक एडवाइजर टू फ्रेंच प्रेजिडेंट इमैनुअल बोन हुंदे कन्नै बी संपर्क स्थापित कीता गेआ ऐ। एनएसए डोबाल होरें अपने हकरूतबाएं कन्नै जानकारी सांझी कीती। उनें इस गल्लै पर जोर भरेआ जे भारत दा इसी बधाने दा कोई इरादा नेई ऐ पर जेकर पाकिस्तान इसी बधांदा ऐ तां भारत दृढता कन्नै परता देने लेई पूरी चाल्ली तैयार ऐ।

<><><><><><>

Rajnath-Operation Sindoor

रक्षा मंत्री राजनाथ सिंह होरें अज्ज आखेआ ऐ जे भारतीय सशस्त्र बलें आपरेशन सिंदूर दरान अपने शौर्य ते हिम्मत दा प्रदर्शन करियै इतिहास बनाया ऐ। उनें आखेआ ऐ जे सशस्त्र बलें इस कार्रवाई तैहत सतर्कता ते संवेदनशीलता कन्नै कम्म कीता ते योजनाबद्ध रणनीति मताबक निर्धारित निशाने उप्पर प्रहार कीता ऐ। श्री सिंह होरें एहू गल्ल नमीं दिल्ली च 6 राज्यें ते 2 केंद्र शासित प्रदेशें च सीमा सड़क संगठन दे 50 बुनियादी ढांचे सरबंधी परियोजनाएं दे उद्घाटन दरान आक्खी। मंत्री होरें एहू बी आखेआ जे सशस्त्र बलें इस गल्ला गी बी यकीनी बनाया ऐ जे इस कार्रवाई दरान कोई बी नागरिक आबादी प्रभावित नेई होऐ।

<><><><><><>

HM-Meet

केन्द्री गृह मंत्री अमित शाह होरें आपरेशन सिंदूर दे मगराबने दे तनोतनी आहले हालात दे मद्देनजर सुरक्षा सरबंधी तैयारिएं दी समीक्षा लेईअज्ज सब्भनें बन्ने आहले राज्यें दे मुखमंत्रिएं, डीपीजी-एं ते मुख सचिवेंकन्नै इक उच्ची सतह दी बैठक लाई। जम्मू-कश्मीर, पंजाब, राजस्थान, गुजरात,उत्तराखंड, उत्तर प्रदेश, बिहार, सिक्किम ते पच्छिम बंगाल दे मुखमंत्रिएं सने लद्दाखते जम्मू-कश्मीर केन्द्र शासित प्रदेशें दे लेफ्टिनेंट गवर्नरें बी इस बैठका च हिस्सालैता। एह्दे शा पैहले गृह मंत्री अमित शाह होरें लेफ्टिनेंट गवर्नर मनोज सिन्हा तेमुखमंत्री ओमर अब्दुल्ला हुंदे कन्नै गल्ल करियै सुरक्षा हालात बारै जानकारी लैती।सूत्तरें दस्सेआ ऐ जे श्री शाह होरें बीएसएफ दे डरैक्टर जनरल होरेंगी निर्देशदित्ता ऐ जे ओहू बन्ने आहले इलाकें दे बसनीकें दी सुरक्षा लेई सब्भनें हीलेजकीनी बनाना। उनें जोर देइयै आखेआ ऐ जे आम लोकें दी सुरक्षा, सरकार दीपैहली तरजीहू ऐ।

<><><><><><>

Modi-Prez.

प्रधानमंत्री नरेन्द्र मोदी होंरें अज्ज दपैह्वी राश्ट्रपति भवन जाइयै राश्ट्रपति द्रौपदी मुर्मु हूं दे नै मलाटी कीती। एहू मलाटी, भारत आसेआ पाकिस्तान ते पाकिस्तान दे नजैज़ कब्जे आहले जम्मू-कश्मीर दे इलाकें च आतंकवादी ठिकानें उप्पर आपरेशन सिंदूर तैहत कीती गेदी कार्रवाई दे किश घैंटें मगरा लाई गेई। सोशल मीडिया दी इक पोस्ट च राश्ट्रपति होंरें गलाया ऐ जे बैठक दरान प्रधानमंत्री होंरें उ'नेंगी आपरेशन सिंदूर दे बारै च जानकारी दिती ऐ।

<><><><><><>

World-Reaction

छड़े भारत दे लोक गै नेई पूरी दुनिया दे बड़े मुख ते नेताएं बी आतंकवाद खलाफ कार्रवाई च भारत दा पक्ख लैंदे होई आप्रदेशन सिंदूर पर अपनी प्रतिक्रिया दिती ऐ। अमरीकी राश्ट्रपति डोनाल्ड ट्रम्प होंरें आखेआ जे दुनिया गी पता हा जे पहलगाम आतंकी हमले दी प्रतिक्रिया च किश ना किश जरूर होगा। कन्नै गै ट्रम्प होंरें मेद प्रगट कीती जे भारत ते पाकिस्तान बश्कार तनोतनी तौले खत्म होगा। भारत च इस्राइल दे राजदूत रियुवेन अजर होंरें भारत दी इस कार्रवाई पर प्रतिक्रिया दिंदे होई आखेआ ऐ जे इस्राइल भारत दे आत्मरक्षा दे अधिकार दा समर्थन करदा ऐ। सोशल मीडिया प्लेटफार्म एक्स पर उनें लिखेआ जे आतंकवादिएं गी पता होना लोड़चदा जे बेकसूरें खलाफ जालमाना अपराध करने आहलें दे छुप्पने लेई कोई थाहर नेई ऐ।

<><><><><><>

JK Killed Revised

भारती सेना नै आखेआ ऐ जे पाकिस्तान आसेआ पुंछ ते राजौरी इलाकें च इक बारी फही बड़े स्तर पर गोलाबारी कीती जा'रदी ऐ। सोशल मीडिया दी इक पोस्ट च भारती फौजै आखेआ ऐ जे औदे आसेआ पाकिस्तान दी इस हिमाकत दा शैल बनकदा परता दिता जा'रदा ऐ। जानकारी मूजब पाकिस्तानी कार्रवाई च पुंछ जिले दे मनकोट इलाके च 9 जनें दी मौत होई गेई ऐ। जिसलै जे 50 कोला मते लोकें दे घाऽल होने दी खबर ऐ। गोलाबारी दे चलदे बसनीकें गी सुरक्षित थाहें जा बंकरें च शरण लैनी पेई गेदी ऐ। पुंछ, उड़ी ते राजौरी जिलें च केई सैक्टरें थमां बन्ने पारा गोलाबारी दी जानकारी ऐ। तोआई एहतियात दे तौरा पर जम्मू, साम्बा, कठुआ, राजौरी ते पुंछ जिले च अज्ज सब्भनें स्कूलें, कॉलेजें ते शिक्षा इदारें गी बंद रक्खेआ गेआ।

<><><><><><>

LG-Review

भारती बलें आसेआ आतंकवाद दे खलाफ आपरेशन सिंदूर तैहत कीती गेदी कार्रवाई दे बाद बने दे हालात दे महेनज़र लेफ्टिनेंट गवर्नर मनोज सिन्हा होरें बन्ने कन्नै लगदे जिलें दी समीक्षा लेई सब्भनें सीनियर प्रशासनिक, पुलस ते जिला अधिकारिएं कन्नै बैठक लाई। इस बारै अपने इक संदेस च एलजी होरें आखेआ जे सरकारै हालात पर नेइमी तक्क रक्खी दी ऐ ते ओहू कुसै बी चाल्ली दे हालात कन्नै निब्वइने लेई पूरी चाल्ली तैयार ना। उ'नें सरबंधत डिप्टी कमिशनरें गी निर्देश दित्ते न जे ओहू खतरे दी शेंका आहले इलाकें च रवै करदे लोकें गी सुरक्षित थाहें पर पुजाइयै उं'दे रौहने-बौहने सने खाने-पीने, सेहत दिक्खभाल ते आओजाई दे प्रबंधें गी जकीनी बनान। एलजी होरें इस गल्लै गी फही पक्का कीता ऐ जे प्रशासन सब्भनें बसनीकें दी सुरक्षा जकीनी बनान लेई वचनबद्ध ऐ।



Victim Families

पहलगाम आतंकी हमले च जान मोहाने आहले शुभम द्विवेदी हुंदे पिता संजय द्विवेदी होरें आप्रेशन सिंदूर राएं पाकिस्तान ते पाकिस्तानी कब्जे आहले कश्मीर दे हिस्से च आतंकी ठकानें पर कार्रवाई करने लेई भारतीय फौज ते प्रधानमंत्री नरेंद्र मोदी हुंदा आभार प्रगट कीता ऐ। तोआई, पहलगाम आतंकी हमले च गै मारे गेदे भारतीय नौसेना दे लेफ्टिनेंट विनय नरवाल हुंदी माता होरें बी भारत दी कार्रवाई पर संदोख प्रगट करदे होई आखेआ ऐ जे भारती फौज आसेआ कीती गेदी एहू कार्रवाई आतंकी हमले च अपनी जान मोहाने आहलें गी इक श्रद्धांजलि ऐ।



Chhatisgarh Killed

छत्तीसगढ़ च सुरक्षाबलें कन्नै होए दे टाकरे च घट्टोघट्ट 22 माओवादी मारे गेन। रियासत दे बीजापुर जिले च स्थित करगुट्टा पहाड़ी उप्पर अज्ज बडुलै टाकरा शुरू होई गेआ हा। इस आपरेशन च सीआरपीएफ, डिस्ट्रिक्ट रिजर्व गार्ड, स्पेशल टास्क फोर्स ते पुलस शामिल ऐ। पुलस ते सीआरपीएफ दे वरिष्ठ अधिकारी इस कार्रवाई उप्पर लगाता निगरानी रक्खा करदे ना। अजें तगर मौके उप्परां 22 नक्सलियें इस इलाके च अजें नकसल दे खलाफ आपरेशन जारी ऐ।



Jaishankar-Qatar

विदेश मंत्री डॉ. एस जयशंकर होरें अज्ज कतर दे प्रधानमंत्री ते विदेश मंत्री मोहम्मद बिन अब्दुल रहमान बिन जसिम अल थानी हुंदे कन्नै गल्लबात कीती। सोशल मीडिया पोस्ट उप्पर डॉ. एस जयशंकर होरें आखेआ ऐ जे उनें सीमा पार आतंकवाद गी रोकने लेई आपरेशन सिंदूर उप्पर चर्चा कीती ऐ। उआं फ्रांस, चीन, रूस ते होरनें सने संयुक्त राष्ट्र सुरक्षा परिषद दे स्थाई ते गैर स्थाई सदस्ये ते दूते गी अज्ज दपैहरी विदेश मंत्रालय आसेआ आपरेशन सिंदूर बारै जानकारी दिती गई।

<><><><><><>

CBI-Director

सरकार नै सीबीआई निदेशक प्रवीण सूद हुंदे कार्यकाल गी इस म्हीने दी 24 तरीक थमां पूरे इक्क बरे लेई बधाई दिता ऐ। मंत्रिमंडल दी नियुक्त कमेटी नै प्रवीण सूद हुंदे कार्यकाल गी इक बरे दी अवधि लेई बधाने दी मंजूरी देई दिती ऐ। श्री सूद होर कर्नाटक कैडर दे आई.पी.एस अफसर न ते इस म्हीने दी 25 तरीक गी सेवानिवृत्त होने आहले हे।

<><><><><><>

CM-Emergency

मुख्यमंत्री उमर अब्दुल्ला होरें बन्ने आहले जिलें जम्मू, पुंछ, राजौरी, कठुआ, साम्बा, बारामूला, कुपवाड़ा ते बांडीपोरा दे डिप्टी कमिशनरें कन्नै एमरजेंसी वीडियो कांफ्रेंस कीती। बन्ने पारा थवां कीती जा'रदी भारी गोलीबारी दे मद्देनजर स्थिति दा जायजा लैता। उनें हर इक बन्ने आहले जिले आस्तै 5 करोड़ ते होरनें दुए जिले लेई आपातकालीन तैयारिएं आस्तै 2 करोड़ रपे फौरी जारी करने दे निर्देश दिते। मुख्यमंत्री होरें नागरिकें दी सुरक्षा, ढांचागत सहूलतें गी मजबूत करने ते मौजूदा ते पैदा होने आहली कुसै बी स्थिति कन्नै निब्बड़ने लेई गलाया।

<><><><><><>